



ԵԿԵՂԵՑԻՆԵՐԻ ԼԱՄԱԾԽԱՐՀԱՅԻՆ ԽՈՐՀՐԴԻ ԸՆԴՀԱՆՈՒՐ ՔԱՐՏՈՒՂԱՐ, ԴՈԿՏ. Է. Կ. ԲԼԵՅԿԸ ՄԱՅՐ ԱԹՈՒՈՒՄ

Ամենայն Հայոց Վեհափառ Հայրապետի հրավերով մարտի 30-ին՝ հինգշաբթի, կեսօրվա ժամը 13-ին, միօրյա այցով Մայր Աթոռ ժամանեց Եկեղեցիների համաշխարհային խորհրդի ընդհանուր քարտուղար, դոկտ. Է. Կ. Բլեյկը, որը Սովետական Միությունում էր գտնվում որպես հյուրը ռուսաց պատրիարքարանի:

Հարգարժան հյուրին ուղեկցում էին Մոսկվայի ռուսաց պատրիարքարանի կողմից գեր. տ. Վլադիմիր Եպիսկոպոսը և թարգման Ա. Վ. Զիստյակովը:

Երևանի օդանավակայանում, հանուն Ամենայն Հայոց Հայրապետի, Եկեղեցիների համաշխարհային խորհրդի ընդհանուր քարտուղարին դիմավորում և ողջունում է լուսարարապետ, գեր. տ. Հայկազուն արքեպս. Արամհամյանը՝ ընկերությամբ հոգևոր ճեմարանի տեսուչ տ. Ներսես Ժ. Վրդ. Պողոպյանի և դիվանապետ պ. Հ. Առաքելյանի:

Դոկտ. Է. Կ. Բլեյկի Երևան ժամանումը ողջունում է նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ պ. Կ. Դալլաֆյանը:

Մայր Աթոռ ժամանելուց հետո Եկեղեցիների համաշխարհային խորհրդի ընդհանուր քարտուղարը և նրան ուղեկցող անձինք վեհարանում պաշտոնական այցելություն են տալիս Ամենայն Հայոց Վեհափառ Հայրապետին, որը բարի գալուստ է մաղթում նրանց:

Այնուհետև Հայոց Հայրապետի և դոկտ. Է. Կ. Բլեյկի միջև տեղի է ունենում ջերմ դրույց՝ սրտագին մթնոլորտում:

Փոքր հանգստից հետո, Եկեղեցիների համաշխարհային խորհրդի ընդհանուր քարտուղարը և նրան ուղեկցող անձինք այցելում են

Մայր տաճար, որի դուռն առաջ նրանց պատշաճ կերպով ընդունում է Մայր Աթոռի միաբանությունը, լուսարարապետ-սրբազան հոր գլխավորությամբ:

Մայր տաճարում աղոթելուց հետո, հյուրերը ժանոթանում են տաճարի պատմությանը, ճարտարապետական կառուցվածքին, մանրանկարչությանը, վերջին տարիներին կատարված շինարարական-վերանորոգչական աշխատանքներին և ապա այցելում տաճարին առընթեր հայ եկեղեցական արվեստի թանգարանը, ուր հարգարժան հյուրերին բացատրություններ է տալիս թանգարանի վարիչ տ. Նարեկ վրդ. Շաֆարյանը:

Վեհարանում, նախաճաշից հետո, հյուրերը գեր. տ. Հուսիկ Եպս. Սանթրոյանի, տ. Ներսես Ժ. Վրդ. Պողոպյանի և Հ. Առաքելյանի առաջնորդությամբ այցելում են Երևանի Մեսրոպ Մաշտոցի անվան Մատենադարան, ապա մայրաքաղաքի տեսարժան վայրեր և հուսկ ուրեմն Երևանի ս. Սարգիս առաջնորդանիստ եկեղեցին, ուր նրանց ողջունում և բարի գալուստ է մաղթում փոխանորդ, գեր. տ. Վահան Եպս. Տերյանը: Ս. Սարգիս եկեղեցում հյուրերը ներկա են լինում ժամերգության, և ապա վերադառնում Մայր Աթոռ:

Երեկոյան ժամը 18-ին Մայր տաճարում Վեհափառ Հայրապետը նախագահում է ժամերգությանը, որին ներկա են լինում նաև Եկեղեցիների համաշխարհային խորհրդի ընդհանուր քարտուղար, դոկտ. Է. Կ. Բլեյկը, տ. Վլադիմիր Եպիսկոպոսը, Մայր Աթոռի միաբանությունը, Գերագույն հոգևոր խորհրդի անդամները:

Ժամը 19.30-ին հարգարժան հյուրը, շրջապատված սրբազան և հոգեշնորհ հայրերով, ներկա է լինում հոգևոր ճեմարանում իր

պատվին կազմակերպված ուսանողական հավաքույթին:

Հանդիսությունը սկսվում է «Որք դարգաբեցին» թարգմանչաց շարականով: Տեսուչ տ. Ներսես ծ. վարդապետը դուրս է. Կ. Բլեյկի ներկայությունը հոգևոր ճեմարանի հարկի տակ ողջունում է ջերմ, բարի-գալստյան ուղերձով՝ խոսելով նաև հոգևոր ճեմարանի նպատակի, առաքելության, ուսման ծրագրի, ուսանողության թվի մասին. «Սույն հոգևոր, կրթական հաստատությունը Տիրոջ օգնականությամբ կատարում է իր պարտականությունը՝ սպասավորներ պատրաստելով Տիրոջ այդու համար ոչ միայն հայ եկեղեցու, այլ նաև քրիստոնեական ընդհանուր եկեղեցու սրբազան գործին համար: Որով ճեմարանի կատարած համաստ գործը առնչվում է այս իմաստով մեր ժամանակների հատկանշող էկումենիկ շարժման հետ»:

Տեսուչ վարդապետը իր խոսքն ավարտում է Եկեղեցիների համաշխարհային խորհրդի ապագա գործունեության և ծրագրերի հաջողության բարի մաղթանքներով:

Ճեմարանի երգչախումբը կատարում է վարդանանց մանկունքը՝ «Արիացեալք», «Նմանեալք Մովսիսի» թարգմանչաց շարականը և ճեմարանի քայլերգը:

Մի խումբ ուսանողներ հանդես են գալիս հայերեն և անգլերեն արտասանություններով:

Հանդիպման վերջում հոգևոր ճեմարանի ուսանողության ուղղյալ խրատականով հանդես է գալիս դուրս է. Կ. Բլեյկը.

«Ջերմ շնորհակալություն՝ գործադրված հաջող ծրագրի կատարման համար: Չափազանց հետաքրքիր էր ինձ համար լսել ոչ միայն իմ հասկացածները, այլ նաև չհասկացածները:

Ձեզ բերում եմ 80 տարեբեր երկրների՝ Եկեղեցիների համաշխարհային խորհրդի անդամ 200 եկեղեցիների, ինչպես նաև ավելի քան 500 աստվածաբանական ճեմարանների ուսանողության եղբայրական ողջունները, ուսանողներ, որոնք Ձեզ նման աստվածաբանություն են սովորում՝ դառնալու համար ապագա քարոզիչներ Քրիստոսի եկեղեցուն և էկումենիկ շարժման:

Երեկ Մոսկվայում ես այցելեցի ռուսական Զագորսկի վանքի հոգևոր ճեմարանը: Մի ամիս հետո լինելու եմ իմ հայրենիքում, որտեղ դասախոսություն եմ կարգալու մեր արդի ժամանակների բնորոշ էկումենիկ շարժման նշանակության, Քրիստոսի եկեղեցու միություն և առաքելության մասին:

էկումենիկ շարժումը, որն աշխարհով մեկ տարածվում է, ամենից առաջ հավատքի շարժում է, Քրիստոսի եկեղեցու միության

համար կատարվող շարժում է: Այդ աստվածահաճո շարժումը հեշտ ու խաղաղ չի ընթանում: Նրա ճանապարհի վրա կան մեծ զոհաբերություններ, ցեղային տարբերություններ, արեւելքի և արեւմուտքի հատուկ հակասություններ, բայց մենք հավատում ենք, որ այդ զոհաբերությունները կհարթվեն հետզհետե, և եկեղեցիները կմիանան մեկ հավատքի շուրջ՝ Քրիստոսով, որ է միակ գլուխը հավատացյալների և իր եկեղեցու:

Դուք էլ, սիրելի ուսանողներ, այստեղ պատրաստվում եք ոչ միայն հայ եկեղեցու, այլ նաև բոլոր եկեղեցիների ապագա ծառայության համար, Աստծու սուրբ գործի առաքելության համար:

Մենք հավատում ենք Ձեզ:

Ես որպես ընդհանուր քարտուղարը Եկեղեցիների համաշխարհային խորհրդի, շատ ուրախ կլինեմ, եթե Ձեր ուսանողներից շատերը դան ժնե սովորելու, դառնալու համար ոչ միայն սպասավորները եկեղեցու, այլև հավատավոր առաքյալները ու վկաները էկումենիկ շարժման:

Թող Տերը օրհնի մեր ու Ձեր սուրբ գործը, ամեն:

Հանդիսությունն ավարտվում է խմբովին երգված Տերունական աղոթքով:

Երեկոյան ժամը 20.30-ին, վեհարանում, ի պատիվ հարգարժան հյուրի, կազմակերպվում է ընդունելություն, որին մասնակցում են տ. Հայկազուն, տ. Հուսիկ, տ. Վահան, տ. Վլադիմիր Կախկոպոսները, ուխտավորաբար Մայր Աթոռում գտնվող տ. Կյուրեղ վրդ. Գաբրիկյանը, տ. Ներսես ծ. վարդապետը, Գերագույն հոգևոր խորհրդի անդամներ Միք. Մալմախյանը, Գր. Բեքմեղյանը, «Էջմիածին» ամսագրի խմբագիր Ա. Հատիսյանը և զիվանապետ Հ. Առաքելյանը:

Ընդունելության ներկա էր նաև ՀՍՄՀ Մի-նիստրների սովետին առընթեր հայ եկեղեցու գործերի խորհրդի նախագահ Կ. Դալլաքյանը:

Ընդունելության ընթացքում, ջերմ ու սրտագին մթնոլորտում, վեհափառ Հայրապետը բաժակ բարձրացնելով թանկագին հյուրի կենաց, ողջունում է Եկեղեցիների համաշխարհային խորհրդի ընդհանուր քարտուղարի պաշտոնական այցելությունը Մայր Աթոռ և ասում. «Հայ եկեղեցին անդամ է 1962 թվականից Եկեղեցիների համաշխարհային խորհրդին: Մենք, որպես Պետր հայ եկեղեցու, շատ գոհ ենք մեր անդամակցության համար և աշխատում ենք ամրապնդել մեր եկեղեցու կապեր խորհրդի անդամ բույր եկեղեցիների հետ: Ընդհանուր փառալուրի պաշտոնական այս այցելությունը Մայր Աթոռ ս. Էջմիածին էլ ավելի է ամրապնդում մեր կապը խորհրդի հետ: Մենք կձգտենք

նման այցելությունների նաև ապագայում: Այդ իմաստով մենք սիրով պիտի այցելենք ժեն, առաջիկա հուլիսին՝ պատասխանելով Ձեր հրավերին, որպեսզի միասին լուծենք անձամբ Ձեզ հետ մեզ հետաքրքրող մի շարք հարցեր, ինչպես ֆիշ հետո այստեղ՝ էջմիածնում, այնպես էլ հետագայում ժենում՝ Մեր այցելության ժամանակ:

Մենք ուրախությամբ հաստատում ենք, որ այսօր ֆրիստոնեական եկեղեցիները մերձենում են միմյանց, և էկումենիկ շարժման մեջ իրականանում են եկեղեցու խաղաղության, համերաշխության, համագործակցության պատգամները, որոնց ծառայի է աշխարհը: Հայ ժողովուրդն էլ, որպես հնագույն ֆրիստոնեյա ժողովուրդ, նույն ձևով է զգում և մտածում ֆրիստոնեյա եղբայր ժողովուրդների հետ: Միաժամանակ Մենք համոզված ենք, որ էկումենիկ շարժումը հզոր ազդակ է այսօր աշխարհում խաղաղություն և արդարություն հաստատելու նախապահի վրա:

Այս զգացմունքներով Մենք ողջունում ենք ներկայությունը մեր ընդհանուր ֆառուղարին՝ մաղթելով նրան ֆառառողություն, որպեսզի իր հուժկու բազուկներով ղեկավարի էկումենիկ շարժման նավը: Ե՛վ Մենք, և՛ հայ եկեղեցին Հայաստանում քե սփյուտում կհետևենք նրան:

Հաղորդություն Ձեզ: Թող Աստված օրհնի մեր բոլորի բարի գործերը»:

Ընդունելության ժամանակ հարգարժան հյուրին ողջունում է նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դավթյանը:

«Սիրով ողջունում եմ Եկեղեցիների համաշխարհային խորհրդի ընդհանուր քարտուղար, դոկտ. է. Կ. Բլեյկի այցելությունը հայկական հինավուրց այս հողի վրա: Շեշտում եմ «Հինավուրց» բառը, որովհետև այս բիրևական հողը իր պատմության հաղափարմականների ընթացքում տեսել է բազում արհավիրքներ:

Մեր ժողովուրդը իր պատմության վերջին հիսնամյակին միայն կարողացել է նվաճել իր պետականությունն ու խաղաղությունը, ու ստեղծված նոր պայմաններում ցույց տվել իր հանճարի փայլատակման պտուղները, ինչպես ամեն մի ժողովուրդ, երբ խաղաղություն է ունենում:

Այսօր աշխարհի զլխին մի մեծ վտանգ է կախվել: Մեր սերնդի և ներկա մարդկության առաջ դրվել է լինել չլինելու հարցը: Եկեղեցիների համաշխարհային խորհուրդը իր առաջ դրված կարևոր հարցերից մեկն է համարում նաև խաղաղության ու արդարության պաշտպանության հարցը: Մենք սովետական քաղաքացիներս պատրաստ ենք

պայքարելու միշտ հանուն խաղաղության և բռնելու այն ձևերը, որոնք նույնպես պայքարում են հանուն խաղաղության: Մենք ողջունում ենք Եկեղեցիների համաշխարհային խորհրդի նման գործունեությունը և Ձեզ, դոկտ. է. Կ. Բլեյկ, որպես խորհրդի ընդհանուր քարտուղարի, ցանկանում ենք ամենայն հաջողություն Ձեր կարևոր, խաղաղության պաշտպանության, մարդասիրական աշխատանքներում»:

Այնուհետև բոլոր ներկաները վեհափառ Հայրապետի կենաց բաժակ են բարձրացնում: Հայկազուն արքեպիսկոպոսի առաջարկով, որը Ն. Ս. Օծոթյան կյանք ու գործունեությունը բնութագրում է որպես ավետարանական սիրո և եղբայրության վրա հիմնված քրիստոնեական եկեղեցիների համագործակցության և խաղաղության ջերմ պաշտպանի:

Ընդունելության ժամանակ հարգարժան հյուրին ողջունում են նաև տ. Կյուրեղ վրդ. Գարիկյանը՝ հանուն Երուսաղեմի հայոց պատրիարքության և պատրիարք տ. Եղիշե արքեպիսկոպոսի, և տ. Ներսես Ժ. վրդ. Պողոսյանը՝ հանուն Մայր Աթոռի միաբանության և հոգևոր ճեմարանի:

Վեհափառ Հայրապետը բաժակ է բարձրացնում Մոսկվայի և համայն Ռուսաստանի պատրիարք, Ն. Սրբություն Ալեքսիի և ռուս պրավոսլավ եկեղեցու կենաց, շեշտելով, որ «Մայր Աթոռում հաճախ նման ուրախ առիթներով մեզ հետ են լինում ռուս պրավոսլավ մեծ եկեղեցու մեր եղբայրները: Այսօր էլ պարագան նույնն է: Մեր սիրեցյալ տ. Վլադիմիր եպիսկոպոսին խնդրում ենք, Մոսկվա իր վերադարձին, Մեր եղբայրական ջերմ զգացմունքների թարգմանը լինել սրբազան պատրիարքի և Նիկիտայի միառուպելիտի մոտ: Այս առիթով մեծ ուրախություն է Մեզ համար բաժակ բարձրացնել Մեր մեծ եղբոր՝ Ն. Սրբություն Ալեքսի պատրիարքի կենաց: Մենք էլ մեր ռուս եղբայրների նման գուրգուրում ենք նրա կյանքի վրա և աղոթում, որ Ն. Սրբությունը երկար ապրի»:

Տ. Վլադիմիր եպիսկոպոսն իր պատասխան խոսքում շնորհակալություն և երախտագիտություն է հայտնում Հայոց Հայրապետին՝ Ն. Սրբություն Ալեքսի պատրիարքի մասին հայտնած եղբայրական ջերմ խոսքերի և բանավորությունների համար:

Ընդունելության վերջում խոսք է առնում նաև հարգարժան հյուրը և ասում.

«Մեծ ուրախություն է ինձ համար այսօր այստեղ՝ Էջմիածնում լինելը: Ես չեի սպասում այսքան շուտ հանդիպել Հայոց Հայրապետին, և չեի կարծում, որ այս անգամ ժամանակ կունենամ այցելելու ս. Էջմիածին:

նա շատ զոհ է, որ ծանոթացա հայ եկեղեցու կենտրոնին և Ամենայն Հայոց կաթողիկոսին, որին շուտով պատիվը պիտի ունենանք ընդունելու մեզ մոտ՝ Ժնևում, Պետք է ուրախությամբ նշենք, որ արևելքի եկեղեցիները ավելի ակտիվ մասնակցություն են բերում էկումենիկ շարժման, մասնավորապես վերջին տարիներին: Եկեղեցիների համաշխարհային խորհուրդը արևմտյան տիպի կաղմակերպություն էր: Մինչ մենք աշխատում ենք փոխել նրա ձևը, բնույթը, որպեսզի այդ շարժումը լինի ճշմարտապես էկումենիկ: Այսօր խորհրդի անդամ են բազում արևելյան եկեղեցիներ, որոնց ներկայացուցիչները միասնաբար աշխատում և գործում են արևմտյան եկեղեցիների ներկայացուցիչների հետ: Այս համագործակցությունը հուսալի երաշխիք է հանդիսանում էկումենիկ շարժման ապագա գործունեության ընդարձակման և արդյունավորության համար:

Էկումենիկ շարժման համար կարևոր իրադարձություն կհանդիսանա 1968 թվականի եկեղեցիների համաշխարհային խորհրդի չորրորդ համագումարը, որը հրավիրվելու է Ուսսալայում: Արևելյան եկեղեցիները առաջին անգամ պիտի մասնակցեն այդ համագումարին, որպես անդամ գործող եկեղեցիներ: Համագումարը պիտի ընթանա ավետաբան շուրջում (էվանգելիզմ) և առաքելություն (միսիոնարություն) սկզբունքներով:

Համագումարի օրակարգում լինելու են վեց հարցեր, որոնք ընկնելու են վեց առանձին սեկցիաներում, և որոնց ընդունած բա-

նաձևերն ու որոշումները բերվելու են համագումարին:

Թող Տերը օրհնի մեր գործերը և առաջնորդի մեզ բոլորիս իր կամքի համաձայն, ամեն:

Ընդունելության ավարտից հետո, գիշերվա ժամը 23-ին, վեհարանում, Վեհափառ Հայրապետի և Եկեղեցիների համաշխարհային ընդհանուր քարտուղարի միջև տեղի է ունենում պաշտոնական տեսակցություն, հայ եկեղեցու և Եկեղեցիների համաշխարհային խորհրդի փոխհարաբերությունների և եղբայրական կապերի ամրապնդման նվիրված:

Մարտի 31-ին՝ ուրբաթ օրը, առավոտյան ժամը 8-ին, դոկտ. է. Կ. Բլեյկը հրաժեշտ է ատնում Հայոց Հայրապետից, Մայր Աթոռի միաբանությունից՝ իր հետ տանելով ս. էջմիածնի և Հայոց Հայրապետի օրհնությունները եկեղեցիների համաշխարհային խորհրդի ապագա գործունեության համար:

Մայր տաճարում աղոթելուց հետո հարգաբան հյուրը և նրան ուղեկցող անձինք մեկնում են օդանավակայան: Հանուն Վեհափառ Հայրապետի հյուրերին ճանապարհում են տ. Հայկազուն արքեպիսկոպոսը, տ. Ներսես Ժ. վարդապետը և Հայկ Առաքելյանը:

Եկեղեցիների համաշխարհային խորհրդի ընդհանուր քարտուղարին ճանապարհում է նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դավաթյանը:

Հյուրերը հրաժեշտ են ատնում բոլոր ներկաներից: Ժամը 9-ին ինքնաթիռը օդ է բարձրանում՝ տանելով հյուրերին Մոսկվա:

